



# Жанубий

# ҚОЗОҒИСТОН

janubiy.kz

1991 йил 5 апрелдан чиқа бошлаган  
Сешанба, пайшанба ва шанба кунлари чиқади

2020 йил 15 октябрь, пайшанба. №92 (2867).

## ЭПИДЕМИОЛОГИК ВАЗИЯТ ҚАТЪИЙ НАЗОРАТ ҚИЛИНАДИ

ҚР ПРЕЗИДЕНТИ БОШ ВАЗИРГА МАМЛАКАТДАГИ ЭПИДЕМИОЛОГИК  
ҲОЛАТНИ ҚАТЪИЙ НАЗОРАТГА ОЛИШНИ ТОПШИРДИ



Давлат раҳбари Қасим-Жўмарт Тўқаев Бош вазир Асқар Маминни қабул қилди. Қозоғистон Президентига жорий йилнинг 9 ойи давомидаги ижтимоий-иқтисодий тараққиёт тўғрисида маълумот берилди. Шунингдек, қатор соҳаларда ижобий тенденция борлиги айtilди.

Хусусан, қайта ишлаш саноатининг ўсиши 3,3 фоизга етди, қурилиш ҳажми 10,5 фоизга ўсди, уйлارнинг фойдаланишга топширилиши 9 фоизга ёки тахминан 9,6 миллион квадрат метрга ошди. Қишлоқ хўжалигида ўсиш суръати 5 фоизни ташкил қилди. Қозоғистон

Олтин-валюта жамғармаси ва Миллий жамғарма активлари 1 октябрь маълумотларига кўра, 91,1 миллиард долларни ташкил этди. Бош вазирнинг сўзларига кўра, хизмат кўрсатиш соҳасидаги фаолиятни қайта тиклаш сентябрдан бошланган.

Бош вазир 11-12 октябрь кунлари Абу-Дабидаги хизмат сафари натижалари тўғрисида ҳисобот берди. Ташриф давомида Давлат раҳбари Қасим-Жўмарт Тўқаевнинг жорий йил январь ойида Бирлашган Араб Амирликларига расмий ташрифи чоғида эришилган келишувлар амалга оширилган таъкидланди. Икки ҳукумат сармоявий ҳамкор-

лик бўйича меморандум имзоладилар. У қиймати 6,1 миллиард долларга тенг 21та лойиҳани амалга оширишни назарда тутди. Давлат раҳбари Ҳукуматнинг иқтисодий тараққиётнинг ижобий суръатларини таъминлашга қаратилган саъй-ҳаракатларини таъкидлади, фуқароларимизнинг соғлиги, кичик ва ўрта бизнес фаолияти, шунингдек, хорижий мамлакатларда кенг тарқалган коронавирус эпидемияси салбий таъсирининг олдини олиш мақсадида мамлакатдаги эпидемиологик вазиятни қатъий назоратга олишни топширди.

ҚозАхборот.

### КОРОНАВИРУСГА ҚАРШИ ҚОЗОҒИСТОН ВАКЦИНАСИ САМАРАДОРЛИГИ ИСБОТЛАНГАН

Дори воситалари, тиббиёт буюмлари ва техникаларини экспертиза қилиш миллий маркази эксперти, Соғлиқни сақлаш вазирлигининг иммунизация бўйича миллий маслаҳат комиссияси аъзоси, тиббиёт фанлари доктори, профессор Жаннат Сатибалдиева коронавирусга қарши Қозоғистон вакцинаси самарадорлиги ҳақида маълумот берди.

Унинг айтишича, Қозоғистон Республикаси Таълим ва фан вазирлиги тасарруфидаги Қозоғистон биохавфсизлик илмий-тадқиқот институти мутахассислари классик усул билан коронавирус инфекциясига қарши самарали вакцина ишлаб чиқдилар.

– Ушбу вакцина кимёвий жиҳатдан зарарсизлантирилади, сўнг тозаланади. Бу махсус технологик жараён. Вакцина лаборатория ҳайвонларида муваффақиятли синовдан ўтказилди. Унинг самараси ва инсон организмида махсус ҳимоя имунитетини ривожлантира олиши исботланган. Айни пайтда клиник синовларда кўнгиллилар иштирок этмоқда. Умид қиламизки, ҳаммаси яхши бўлади, – деди шифокор.

Жаннат Сатибалдиеванинг сўзларига кўра, эмлаш орқали имунитетни ошириш тиббиётнинг катта ютуғидир. Шунинг учун коронавирус инфекцияси пайтида мавсумий тумовдан ҳам ҳимояланиш зарур.

ҚозАхборот.

### ЭНГ МУҲИМИ – АҲОЛИ САЛОМАТЛИГИ ТУРКИСТОН ВИЛОЯТИДА КОРОНАВИРУСНИНГ ИККИНЧИ ТЎЛҚИНИГА ТАЙЁРГАРЛИК КУЧАЙТИРИЛДИ

Туркистон вилоятида коронавирус инфекциясининг иккинчи тўлқинига тайёргарлик масалалари вилоят ҳокими Ўмирзак Шўкеев раислик қилган йиғилишда кўриб чиқилди. Тадбирда таъкидланишича, минтақада коронавируснинг иккинчи тўлқинига тайёргарлик кучайган.

Эпидемия такрорланган тақдирда доридармон танқислигининг олдини олиш мақсадида икки ойлик жамғарма йиғилиб, вилоят касалхоналари нафас олиш ускуналари билан жиҳозланган. Агар керак бўлса, қўшимча ўринлар сони 5,5 мингга етказилади.

Вилоят раҳбари топшириғига кўра, туман шифохоналари компьютер томографиялари, лабораториялар ва рақамли рентген аппаратлари билан таъминланди.

(Давоми 2-бетда) ▶

### ● "Оқ олтин-2020"

## «ТУРКИСТОН» НАВИ БАРЧАГА МАНЗУР

Кентов шаҳрининг Қорачиқ қишлоғидаги «Турон» хўжалиги раҳбари, «Парасат» ордени, Туркистон шаҳрининг ҳурматли ва ибратли фуқароси унвонлари соҳиби, шаҳар маслаҳати депутати Ҳабибулла Азимов билан суҳбатимиз «оқ олтин» хирмонида кечди.



– Бу йил сиз ташкил этган хўжаликда йигирманчи бор пахта қабуллаётган экансизлар. Қандай ўзгаришлар бор?

– Албатта, тараққиёт, юксалиш, ўсиш мавжуд. Маса-

лан, биз олимлар билан ҳамкорликда йиллар давомида яратган чигитнинг «Туркистон» нави бу йил вилоятимизда 9 минг гектар майдонга экилди. Энг жанубий Сариоғоч ҳудудидаги пахта

билан шимолий саналадиган бизда пахта пишиб етилиш муддати фарқи 20 кун бўлишига қарамай, бир вақтда етилгани – «Туркистон» нави самарадорлигининг далили.

(Давоми 2-бетда) ▶

Туркистонлик ёшлар пахта териш, қўй жунини қирқиш, олма ва картошка териш бўйича беллашдилар. Ёшлар икки кун давомида қишлоқ ҳаёти билан танишдилар. Минтақанинг фаол кўнгиллилари «Қишлоқдаги бир куним» реалити-шоуси доирасида «Чорва ва экин – мўл-кўл ҳосил» танловида беллашдилар.

## КўНГИЛЛИЛАР КУЧ СИНАШДИ

Вилоят Ёшлар имконият маркази томонидан ташкил этилган танловнинг асосий мақсади ёшлар орасида қишлоқ хўжалигини тарғиб қилиш

Вилоятнинг барча туман ва шаҳарларидан келган иштирокчилар куръа ташлаш йўли билан тўрт гуруҳга бўлинишди. Мусобақа Қазигурт тумани боғида олма териш билан бошланиб, қўй жун қирқимида уланди. Сўнг Сауран қишлоқ округида картошка қазиди ва олма теришди. Пахта терими пайтида иштирокчиларни баҳолаган ҳакамлар йиғилган «оқ олтиннинг» тозалиги ва вазнига ҳам эътибор беришди.



Беллашувда «Қаратау» жамоаси учинчи, «Алатау» иккинчи ўринни эгаллади. Биринчи ўринни «Сирдарё» жамоаси қўлга киритса, бош соврин «Турон» жамоасига насиб қилди. Ғолибларга ташаккурнома ва қимматбаҳо совғалар топширилди.

Вилоят ҳокимининг матбуот хизмати.



# БУНЁДКОРЛИК ВА ОБОДОНЧИЛИКНИНГ ҚИЗҒИН ПАЛЛАСИ



Тўлебий тумани мегаполис шаҳар – Шимкент билан чегарадош. Бу туманнинг бунёдкорлик ва ободончилик бора-сидаги масъулиятини бир неча барабар оширади. Туманда қатор ижтимоий-маданий иншоотлар барпо этилмоқда. Биз шаҳар ва қишлоқ округларида амалга оширилаётган қурилиш, ободонлаштириш ишлари юзасидан қурилиш ва сармоялар бўлимининг етакчи мутахассиси К. Шанбаевга мурожаат қилдик.

– Дарҳақиқат, қурувчилар ғайратига таҳсинлар айтсак

арзийди, – деди у. – Ўзим шу соҳада кўп йиллар ишлаганим учун ҳам аниқ айта оламанки, капитал қурилиш соҳасида ҳозиргидек ўсиш кузатилмаган. «Йўл харитаси» доирасида мактаблар, кўприклар, савдо марказлари, бозорлар ва бошқа маданий-маиший бинолар қурилмоқда. Тумандаги асосий бунёдкорлик ишларини «Нурил Тўлебий» қурилиш компанияси олиб бормоқда. Ташкилотга салкам 40 йилдан буён Виктор Диегенович Ким раҳбар.

Кўриб турганингиздек, Тўлебий туманида ҳам асрга тати-

гулик ишлар, улкан бунёдкорлик юмушлари адо этилмоқда. Ўнлаб қурилиш ташкилотлари, юзлаб бунёдкор отряд ва бригадалар, йўлсозлар, энг замонавий, қудратли техника ана шу мўъжизавий қурилиш юмушлари билан банд.

Ҳақиқатан ҳам бу жабҳада амалга оширилаётган ишларнинг аҳамияти ғоят катта. Мамлакатимизда йўл транспорти тизимини янгилаш, ана шу асосда юртимизда иқтисодийнинг янги, нурли уфқларини очишдек олий мақсадлар мужассам.

Инсон кўли – гул, дейди доно халқимиз. Дарҳақиқат, асрлар давомида тоғу тошларлардан, сайхонлигу даралардан иборат кенгликлар инсон меҳнати билан айна кунда ажиб масканга, боғ-роғларга айланмоқда. Юзлаб чироқлар ёруғида ҳатто тунлари ҳам давом эттирилаётган ушбу улкан шаҳарсозликнинг халқимиз келажаги учун нақадар катта манфаат касб этишини аниқлаш қийин эмас. Энг қувонарлиси, ёшларимиз ташаббус билан чиқиб, бу улғу ишлар, улкан қурилишларга ҳисса қўшаётганликларидир.



– Инсон куч-қудратининг нақадар улғулигини шу ерда ҳис қилдим, – дейди қурилишда меҳнат қилаётган М. Асилбеков. – Мана, бир йилдан буён бино ва иншоотлар қурилишига ҳисса қўшаётганимдан гурур, фахр-ифтихор ҳиссини туймоқдаман. Меҳнат инсонни тоблади, дея бежиз айтишмас

экан. Иродам тобланди. Ўзимга ишонч ҳисси кучайди. Минглаб ватандошларинг, юзлаб тенгдошларинг билан елкама-елка туриб, меҳнат қилиб, ободонлаштириш завқини ҳис қилиш катта бахт.

Б. РЎЗИМАТОВА.

**Биз ҳозирги қийинчиликларни албатта енгамиз. Аммо элимизнинг янги геосиёсий вазиятдаги узоқ муддатли тараққиётини ҳам унутмаслигимиз зарур.**

Қасим-Жўмарт ТЎҚАЕВ.  
“Қозғоғистон янги вазиятда: ҳаракатлар даври”.

Пандемия туфайли юзага келган молиявий тангликдан сўнг иқтисодий жадал ривожлантириш – давлат олдидаги асосий вазифадир.

Бу муҳим масала яқинда ҚР Бош вазири А. Мамин раислигида ўтган мажлисда муҳокама қилиниб, Қозғоғистон Республикасининг 2020-2024 йилларга мўлжалланган ижтимоий-иқтисодий тараққиёт тахмини ҳамда 2020 йилги республика бюджети кўриб чиқилди.

Тадбирда Туркистон вилояти ҳокими Ў. Шўкеевнинг ҳисоботи тингланиб, вилоят раҳбарига аниқ топшириқлар берилган эди.

Бугунги кунда вилоятда 2016,1 минг одам истиқомат қилади, шундан 832 минг нафари (41,2%) иқтисодий жиҳатдан фаол ҳисобланади. Жами ишловчилар сони 779,8 минг киши. Давлат раҳбарининг топшириғига мувофиқ, минтақада ижтимоий қўллов ишлари юритилмоқда.

Даставвал, аҳоли бандлигини таъминлаш чоралари қабулланди. “Меҳнат” давлат дастури доирасида 70 минг фуқаро иш билан таъминланади. Шунингдек, тангликка қарши чоралар сифатида республика бюджетидан ажратилган қўшимча маблағ ҳисобидан 25 мингта иш жойи барпо этилади. Натижада 100 минг ишсизнинг бандлиги таъминланади. “Бандликнинг йўл харитаси” дастури доирасида минтақада 497та инфра-тузилмага оид лойиҳани амалга ошириш режалаштирилмоқда. Натижада 22 мингта янги иш

ўрнини яратиш режаланмоқда, вилоят аҳолисининг ишсиз қатламга шу тариқа ёрдам кўрсатилади.

Бугунги кунда вилоятда ижтимоий мажбуриятларни бажаришга жиддий эътибор қаратиляпти. Минтақадаги барча заиф қатламларни таҳлил қилиб, асосан кам таъминланган оилалар, ногиронлар ва нафақдорларга эътибор қаратилмоқда.

Бу йўналишдаги тадбирларни Nur Otan партияси амалга оширмоқда.

Қолаверса, ҳозирги йиғим-терим мавсумида 70 мингдан зиёд одам кузга дала ишлари билан машғул.

Аҳоли бандлигини таъминлаш мақсадида минтақада истиқболли лойиҳалар амалга оширилмоқда. Чунончи, Сўзоқ туманида лойиҳавий қуввати йилига 1000 тонна, умумий қиймати 83 млн. тенгени ташкил қиладиган 30та янги иш ўринига эга “Тағай ата” МЧБ йодланган туз корхонасининг 1-навбати фойдаланишга топширилиб, ҳозирги вақтда чорвачиликда ишлатиладиган туз ишлаб чиқарилмоқда. Шунингдек, “Тағай ата” МЧБ жорий йилда ош тузи ишлаб чиқарадиган ускуналар харид қилиш учун “Банк Центр Кредит” ХЖдан насия олмақчи. Яқин кунларда ош тузи ишлаб чиқариш ускуналарини ўрнатиб, корхонанинг иккинчи навбатини ишга туширишни режаламоқда.

Туркистон шаҳрида лойиҳавий қуввати йилига 198 минг дона, умумий қиймати 320 млн. тенгени ташкил қиладиган 70та янги иш ўринига эга “Grand Mlks”

МЧБ ламинатланган ёғоч-пайраха плитаси (ДСП)ни ишлаб чиқариш ҳамда жиҳоз тайёрлаш цехининг дастлабки навбати ишга туширилди.

Кентов шаҳрида лойиҳавий қуввати йилига 1500 тонна, умумий қиймати 150 млн. тенгени ташкил қиладиган 20та янги иш ўринига эга “Статус Эверест” МЧБ пластикни қайта ишлаш “ПЭТ, ПП, ПЕ” лойиҳаси амалга оширилди. Шунингдек, бу шаҳарда лойиҳа қуввати йилига 300 минг тонна, умумий қиймати 700 млн. тенгени ташкил қиладиган 150та янги иш ўринига эга “Vostok Minerals” МЧБ баритни қайта ишлаш заводи ишга туширилди.

Сайрам туманида лойиҳавий қуввати йилига 600 тонна, умумий қиймати 500 млн. тенгени ташкил қиладиган 80та янги иш ўрнига эга “Ақсу” МЧБ сутни қайта ишлаш заводи топширилди. Ушбу туманда лойиҳавий қуввати йилига 50000 тонна, умумий қиймати 3456 млн. тенгени ташкил қиладиган, 34та янги иш ўринига эга “Niryum Group” МЧБ гўштни қайта ишлаш цехи ишга туширилди. Туманда лойиҳавий қуввати йилига 80 000 тонна, умумий қиймати 380 млн. тенгени ташкил қиладиган, 15та янги иш ўрнига эга “Абдуқодиров Н.М.” ХТ омихта ем ишлаб чиқариш заводи ҳам ишга туширилди.

Чордара туманида лойиҳавий қуввати йилига 50 000 тонна, умумий қиймати 5475 млн. тенгени ташкил қиладиган, 250та янги иш ўринига эга “International Company of Cotton” МЧБ пахта қайта ишлаш заводи иш бош-

лади.

Қазигурт туманида лойиҳавий қуввати йилига 1100 тонна, умумий қиймати 5,7 млрд. тенгени ташкил қиладиган 48та янги иш ўринига эга “СG Foods Central Asia” МЧБ тез тайёрланадиган озиқ-овқат маҳсулотлари цехи муддатидан аввал – 2019 йили фаолиятини бошлади.

Ўрдабоши туманида лойиҳавий қуввати йилига 15 000 тонна, умумий қиймати 4,0 млрд. тенгени ташкил қиладиган, 50та янги иш жойига эга “Green technology industries” МЧБнинг полиэтилен маҳсулотларини қайта ишлаш, синтепон толасини ишлаб чиқариш лойиҳасининг иккинчи навбати ишга туширилди.

Туркистон шаҳрида пойдевор блокларини чиқарадиган, умумий қиймати 216 млн. тенгени ташкил қиладиган, 57та янги иш ўринига эга “Айбек ЛТД” МЧБнинг қоплама плиталари, пойдевор блоклари ҳамда товар бетон ишлаб чиқариш корхонаси ишга туширилди.

Келес туманида лойиҳавий қуввати йилига 18 тонна, бешта янги иш ўрнига эга «Көшим» балиқчилик хўжалигининг қайта ишлаш цехи ишга туширилди.

Галдаги режалар ҳам залворли. Индустриалаштириш харитаси доирасида сармоявий қиймати 14,8 млрд. тенгени ташкил қиладиган 11та лойиҳа амалга оширилиб, 600дан зиёд иш ўрини очилади.

Минтақанинг сармоявий аҳолини яхшилаш мақсадида 2019 йилнинг февраль ойдан бошлаб “TURKISTAN” махсус иқтисодий минтақасининг Бошқарувчи компанияси” ҳиссадор-



лик жамиятининг иш юритиши учун маҳаллий бюджетдан 2 йил муддатга 600 млн. тенге маблағ ажратилди.

“TURKISTAN” МИМ 5та алоҳида ҳудудга бўлинган, унинг таркибига: майдони 297 гектарли тарихий марказ, майдони 1350 гектарли маъмурий марказ, майдони 365 гектарли ва 35 гектарли sanoat ҳудудлари, майдони 967 гектарли аэропорт киради.

Ҳозирги вақтда “TURKISTAN” махсус иқтисодий минтақасининг Бошқарувчи компанияси” ҳиссадорлик жамияти томонидан тарихий-маданий марказ ҳудудида умумий қиймати 38,0 млрд. тенгени ташкил қиладиган “Шарқ бозори” лойиҳаси бўйича, маъмурий-тадбиркорлик марказида умумий қиймати 33,6 млрд. тенгени ташкил қиладиган 5та лойиҳа бўйича, вилоят ҳокимлигининг қўллови билан “B1 GROUP” МЧБ ҳамда YDA(Туркия) холдинги давлат-хусусий ҳамкорлиги доирасида МИМ ҳудудида умумий қиймати 110 млрд. тенгени ташкил қиладиган кўп соҳали тиббиёт муассасаси қурилиши бўйича, шунингдек, sanoat ҳудудида умумий қиймати 17,6 млрд. тенгени ташкил қиладиган 8та лойиҳа бўйича музокаралар юритилмоқда.

“Жанубий Қозғоғистон” мухбири.

● 16 октябрь – Халқаро озиқ-овқат куни

# ФАРОВОН ЮРТНИНГ ИМКОНИАТЛАРИ БЕҚИЁС ҚОЗОҒИСТОН ДУНЁ ОЗИҚ-ОВҚАТ МАРКАЗЛАРИДАН БИРИГА АЙЛНАДИ

Бирлашган Миллатлар Ташкилотининг Озиқ-овқат ва қишлоқ хўжалиги ташкилоти (ФАО) 1945 йил 16 октябрда ташкил этилган бўлиб, шу йилдан эътиборан ҳар йили 16 октябрь куни Бутунжаҳон озиқ-овқат куни сифатида кенг миқёсда нишонланади.

Бутунжаҳон озиқ-овқат куни вазифаси қуйидагилардан иборат:

- қишлоқ хўжалиги маҳсулотлари ишлаб чиқаришга эътибор қаратиш ва миллий шароитларни фаоллаштириш, икитомонлама ва кўптомонлама ҳамкорликлар ҳамда ушбу соҳадаги ноҳукумат ташкилотлар фаолиятини йўлга қўйиш;

- ривожланаётган давлатлар ўртасида иқтисодий ва техник ҳамкорликларни ривожлантиришга кўмаклашиш;

- қишлоқ аҳолиси, айниқса, хотин-қизлар ва энг кам имтиёзли тоифага эга аҳолига яқиндан ёрдам бериш, улар иштирокида яшаш шароитларини яхшилаш фаолиятларга оид қарорлар қабул қилиш;
- аҳолининг дунёдаги очарчилик муаммоларига оид хабардорлик малакаларини ошириш.

Қозғоғистон Республикасида иқтисодиётнинг аграр тармоғини барқарор ривожлантириш ҳамда ислоҳ қилиш бўйича кенг кўламли ишлар амалга оширилмоқда. Қишлоқ хўжалиги экинларига ишлов



берадиган янги техника ва технологиялар ўзлаштирилмоқда, гўштор, суддор олий зотли йирик қора моллар сотиб олинмоқда, мамлакатимизда вақти-вақти билан инновацион қишлоқ хўжалиги кўргазмалари ташкил этилмоқда.

ҚР Бош вазири Асқар Мамин Ҳукумат соатида мамлакатимизнинг яқин йилларда дунёдаги озиқ-овқат марказларидан бирига айланишини маълум қилди. Бу бежиз эмас. Жорий йил Қозғоғистонда 20 миллион тонна галла йиғилди.

Айни пайтда бошоқли дон экинларнинг

умумий майдони 15,8 миллион гектарни ташкил этди, гектарига 12,8 центнер ўртача ҳосил билан 20 миллион тонна галла йиғиб олинди. Дон ва дуккакли маҳсулотлар ишлаб чиқариш ҳажми мамлакатнинг ички эҳтиёжларини тўлиқ қондиради ва 7-8 миллион тонна галла экспорт қилишга имкон беради.

**Қозғоғистон ахборот агентликлари материаллари асосида тайёрланди.**

## ИШЛАБ ЧИҚАРИШДАГИ ЖАРОҲАТЛАР

Туркистон вилоятида 9 ой ичида ташкилотлар ва корхоналарда ишлаб чиқариш пайтида 46та бахтсиз ҳодиса рўй берган. Унда 67 одам жароҳат олиб, 13 нафари вафот этган. Бу ўтган йил билан таққослаганда, 2 баравар кўп.

Жароҳат олиш сабаблари – ишчилар ўртасида меҳнатни муҳофаза қилиш ва техника хавфсизлиги қоидалари ҳақида маълумотларнинг етишмаслиги.

Ишлаб чиқариш жараёнида шикастланишнинг камайириш чора-тадбирлари ҚР Меҳнат ва аҳолини ижтимоий муҳофаза қилиш вазирлигининг Меҳнат, ижтимоий муҳофаза ва миграция кўмитаси раиси Ербўл Нурғалиев, Туркистон вилояти ҳокимининг ўринбосари Сакен Қалқаманов, маҳаллий ижро органлари тасарруфидоги бошқармалар раҳбарлари иштирокида ўтган учрашувда аввалроқ муҳокама қилинди.

Меҳнат, ижтимоий муҳофаза ва миграция кўмитаси раиси бошчилигидаги делегация қатор курилиш ва саноат корхоналарини оралади.

Учрашувда шикастланиш, меҳнат ва ишлаб чиқариш интизомини бузиш, хавфсиз меҳнат усуллари бўйича ўқув машғулотларининг камлиги, иш ўринларини ташкил этишдаги камчиликлар сабаб бўлаётгани таъкидланди.

Иш берувчиларнинг ижтимоий масъулиятини ошириш мақсадида ишлаб чиқариш билан боғлиқ меҳнат жароҳатлари юзасидан олиб борилган махсус тергов амаллари тугагач, натижалари уч томонлама комиссияга топширилиши тўғрисида қарор қабуллади. Ишлаб чиқаришдаги жароҳатларнинг олдини олиш ва огоҳлантириш учун кўшимча чора-тадбирлар ишлаб чиқилади. Меҳнат муҳофазасини бошқариш тизимини татбиқ этиш, иш ўринларида хавфсизликни камайириш ва Халқаро ижтимоий таъминот ҳамжамиятининг “VizionZego” дастурини кенг тарғиб қилиш зарурлиги таъкидланди.

Учрашув якунида 2019-2023 йилларга мўлжалланган меҳнат жароҳатлари, зарарли ва хавфли меҳнат шароитлари мавжуд иш ўринларини қисқартириш, йўл харитасини амалга ошириш вазифаси берилди.

**Вилоят ҳокимининг матбуот хизмати.**

## ИБРАТЛИ ТАШАББУСЛАР

Тўлебий туманида жорий йил куз мавсумида 5 минг туп мевали дарахт кўчатлари ўтқозиш режаланган. Бундан ташқари, 200 оилага кўчатлар бепул тарқатилади.

Туманда сўнгги беш йилда амалга оширилаётган «Яшил ўлка» дастурининг ташаббускорлари, яъни бир гуруҳ тадбир-

корлар ҳам бу тадбирда фаол иштирок этмоқда.

Туман маслаҳати котиби Н. Қўйбағаров бошчилигида бир гуруҳ туман маслаҳати депутатлари Абай овулида 2 чақирим узунликдаги ариқ бўйига мевали дарахт кўчатлари ўтқозилди.

14та қишлоқ округидаги 150дан зиёд

аҳоли манзилни кўкаламзорлаштириш мақсадида туманда кенг қамровли ишлар амалга оширилмоқда.

– Ҳовли-жойлар, кўп қаватли уйлар, боғ-роғлар, далаларда тозалаш ва ободонлаштириш, теварак-атрофдаги дарахтларга шакл бериш, оқлаш, йўл, ариқ ва қуворларни тозалаш – халқимизнинг йил бўйи бажарадиган эзгу ишларидан. Бу одамлар орасида ўзаро меҳр-оқибат, ҳамжиҳатликни янада кучайтириш, ҳудудларни ободонлаштириш ва кўкаламзорлаштириш, санитария ҳолатини яхшилашга хизмат қилади, – деди Н. Қўйбағаров.

**“Жанубий Қозғоғистон” мухбири.**

## ЯНГИ ВАЗИЯТДАГИ ИҚТИСОДИЙ ТАРАҚҚИЁТ



## БАНДЛИК МАСАЛАСИ ДОИМИЙ ЭЪТИБОРДА

Жорий йилда юртимизда “Бандлик йўл харитаси” доирасида 6,5 мингта инфраструктура лойиҳаси амалга оширилиб, 255 мингта янги иш ўринлари яратилди.

Энг кўп иш ўринлари Алматида – 26 мингта, Туркистон вилоятида – 21,9 мингта, Алмати вилоятида – 21 мингта.

Ишсиз ёшлар устувор тоифа сифатида белгиланди.

“Бандлик йўл харитаси” инфраструктура лойиҳаларини амалга ошириш қуйидаги 4 асосий йўналиш бўйича амалга оширилмоқда:

- ижтимоий-маданий объектларни тубдан ва жорий таъмирлаш, реконструкция қилиш ва қуриш (таълим, соғлиқни

сақлаш, ижтимоий таъминот, маданият, спорт, ҳордиқ ва ҳқ);

- уй-жой-коммунал хўжалик объектларини капитал, ўрта ва жорий таъмирлаш, реконструкция қилиш (сув таъминоти, канализация, газ, иссиқлик, электр энергияси);

- муҳандислик ва транспорт инфраструктурасини капитал, ўрта ва жорий таъмирлаш, реконструкция қилиш ва қуриш;

- аҳоли пунктларини ободонлаштириш (ҳовлиларини ободонлаштириш, кўчаларни, паркларни, майдонларни ёритиш ва кўкаламзорлаштириш, эгасиз объектларни бузиш ва ҳқ).

Йўл харитасини амалга ошириш мақса-

дида бюджетдан жами 1 триллион тенге ажратилди, шундан 37 фоизи (373 миллиард тенге) қурилиш ишларига, 19 фоизи (182 миллиард тенге) капитал таъмирлашга, 31 фоизи (308 миллиард тенге) жорий ва ўртача таъмирлашга, 16 фоизи (127 миллиард тенге) бино ва иншоотларни реконструкция қилишга сарфланади. Капитал, ўрта ва жорий таъмирлаш, реконструкция ишлари республика ёки коммунал мулк объектларида амалга оширилмоқда.

**primeminister.kz**  
сайти маълумотлари  
асосида тайёрланди.







# АВЛОДЛАР БИРЛИГИ ВА ВОРИСДОШЛИГИ

Туркистон шаҳридаги Социалистик меҳнат қаҳрамони Эргаш Иззатуллаев номли мактабда Мақсуд Иззатуллаев номидаги синфхона очилди.

Туркистон шаҳридаги фаол обуначимиз Муҳаммадрасул Иззатуллаев раҳбарлик қилаётган Эргаш Иззатуллаев номли мактаб жамоаси барча жабҳаларда пешқадам. Аҳил, ишчан, бирлиги ярашган устозлар аҳли доимо эзгу ва ибратли ишлар билан банд. «Жанубий Қозғистон» газетаси саҳифаларида Қарноқда Собиржон Юсупов, Чўрноқда Азимбой Ирисбеков ҳамда Тиловберган



синфлар сонини муносиб устозлар номига бериш эвазига кўпайтириш таклифи айтилди. Юқорида номлари аталган ҳурматли инсонлар билан бирга Қасан Шерметов, Шухрат Абдурасулов каби устозлар, Зарифа Эргаш кизи, маҳалла кўмитаси фаоллари ҳам самимий ниятларини изҳор этдилар. Тадбир поёнида фарзандлар кўтуловидан сўнг Мақсуд Эргаш ўғли билан Кулаш Мирзатай кизи мактаб

Иззатуллаев раҳбарлик қилмоқда. Мактабнинг эски бир қаватли биносини ҳашар усули билан 1963 йили қуриб битирганмиз. Иззатулла Раҳимов, Каримжон Аҳмедов, Исмоил Отаев каби заҳматқаш устозларим билан бирга қурилишга ҳисса қўшганимдан кўнглим ёришади. Ўша кезларда жонкуяр директор Жондор ака билан ёмғир остида олма дарахти кўчатларини ўтқазиб, боғ яратганимиз хануз

## ● Кун ҳикмати

Агар ҳали ҳам ға-забланаётган бўлсанг, демак, ўзинг билан бўлган курашинг тамом бўлмабди.

Агар ҳали ҳам ха-фа бўлаётган бўлсанг, демак, кўнгили уйингни ғиштлари мустаҳкам бўлмабди.

Агар ҳали ҳам (би-ровларни) айблаётган бўлсанг, демак, фикрларинг етарлича тиниқлашмабди.

Агар ҳали ҳам холис севолмаётган ва севгингда ажратаётган бўлсанг, демак ҳали ҳам ақл ва мантигингни кўллаб, ичингдаги севгининг камол топишига тўсқинлик қилмоқдасан.

Агар ҳали ҳам «мен» демоқдан воз кечолмаётган бўлсанг, демак тизгинларинг ҳали ҳам нафсингни кўлида ва сен бу тутқунликка бўйин эгмоқдасан.

Агар ҳали ҳам мусибатлардан ғамгин бўлаётган бўлсанг, демак, асл моҳиятни англаб етмабсан.

Агар ҳали ҳам шикоят қилаётган бўлсанг, демак, ҳақиқатни кўролмабсан...

### Шамс ТАБРИЗИЙ.

«Қўл кучи билан ишлаган киши—ишчидир. Қўли ва ақлини ишлата билган киши—устадир. Қўли, ақли ва туйғуларини ишга сола билган киши эса ўз соҳасининг санъаткоридир».

### Маҳмуд Асад ЖУЪШОН.

«Менинг авлодим яратган кашфиёт шуки, қачонки одамзод ўз ақлининг ҳолатини ўзгартирсагина, ҳаётига мазмун кирита олади».

### Уильям ЖЕЙМС.

«Самолёт учун ерда туриш хавфсизроқ. Аммо у самоларда парвоз қилиш учун яратилган».

### Номаълум муаллиф.

«Ҳар бир киши ўз бахту саодатининг ижодкоридир».

### Уильям ШЕКСПИР.

«Биз ким эканлигимизни биламиз, аммо ким бўлишимиз мумкинлигини билмаймиз».

### (У. Шекспирнинг «Гамлет» асаридан Офелия сўзи).



Худойбергенов номидаги синфхоналар очилганлиги ҳақида батафсил ёритган эдик. Ушбу ташаббус Туркистон шаҳридаги Эргаш Иззатуллаев номли мактабда 46 йил самарали меҳнат қилган нафақадор Мақсуд Иззатуллаевнинг шогирдлари Дадахон Жалилов, Мамир Анорбоев, Умсиной Манопова, Ғайбулла Алиакбаров, Абдулла Шерметов каби зиёли инсонларнинг сай-ҳаракатлари ила «Мақсуд Иззатуллаев номидаги география фани кабинети» очилиши билан тадрижий давомини топди.

Ўтган шанба кунини устоз ва шогирдлар жам бўлиб, янги мактаб биносининг иккинчи қаватида Мақсуд ака номидаги география фани кабинетининг очилиш маросимида иштирок этдилар. Тадбир иштирокчилари Мақсуд Эргаш ўғлини умр йўлдоши Кулаш Мирзатай кизи билан олқишлаб, қарши олдилар. Рамзий тасма танта-

нали қирқилиб, директор ўринбосари Гулнора Ибодуллаева илм даргоҳида амалга оширилаётган эзгу ишларни фахр билан тилга олди.

Ҳаётини маориф соҳасига бахшида этган Мақсуд ака ёш авлод учун, шогирдлар учун ибрат ва ўрнак мактабидир. У октябр ойининг биринчи ҳафтасида 76 ёшга тўлди. Фахрий устоз сифатида кўп унвонлари, хусусан Қозғистон халқ маорифи аълочиси, «Меҳнат фахрийси» медалли, «Ёшларни ватанпарварлик руҳда тарбиялашдаги хизматлари учун», «Буюк Ғалабанинг 75 йиллиги», «Туркистон шаҳрининг ибратли фуқароси» кўкрак нишонлари билан тақдирланган. Лекин, ўзи учун энг юксак мукофот — шогирдларининг ҳурмат-эҳтироми. Умр йўлдоши, устозлик касбидан эъзоз топган, «Халқ эҳтироми» медалли соҳибаси, қаҳрамон она Кулаш Мирзатай кизи билан тўрт ўғил, икки

қиз — Ўткир, Зулфия, Рисдават, Шухрат, Шавкат, Рушонларни тарбиялаб, Наргиза, Отахон, Умида, Дилафрўз, Ширин, Шерзодек ҳам хизматда ҳам иззатдаги келин-куёвлар кўриб, ширин-шакар неваралар, эваралар тарбиялаётган пири бадавлат бахтли оила соҳибларидир.

Синфни жиҳозлаган Мақсуд аканинг фарзандлари ер шарни глобусларини ҳам тухфа этдилар. Тадбирда кўп самимий ниятлар, хусусан, шундай



маъмуриятига, шогирдларга, устозлар жамоасига сидқидилдан миннатдорчилик билдирдилар.

— Мактабимиз бошланғич таълим даргоҳи сифатида ўтган асрнинг 1930-йили ташкил этилган. Абдурафи Сафаров, Абдусамад Отажонов, Бобохон Абдурашидов, Жондор Ўрозметов, Дадахон Жалиловлар раҳбарлик қилган қулғу даргоҳга бугунги кунда ёш, ишчан устоз Муҳаммадрасул

ёдимда. Ўтган асрнинг ўзгачалиги кўп эди. Мен Низомий номидаги Тошкент институти тамомлаган устоз сифатида география билан бирга биология, тарих, ўзбек тили, физикадан ҳам дарс берганман. Фақат иш билан, изланиш билан банд эдик...

Ш. МАДАЛИЕВ.  
Суратларда: тадбирдан лавҳалар.  
Муаллиф тасвирлари.

Муассис – Туркистон вилояти ҳокимлиги.  
Мулк эгаси – «Жанубий Қозғистон» вилоят ижтимоий-сиёсий газетаси таҳририяти» масъулияти чекланган биродарлиги.

МАНЗИЛИМИЗ: 160000, Шимкент шаҳри, Диваев кўчаси, 4-уй, 4-қават. Телефон: 53-93-17. Телефакс: 53-92-79. Бухгалтерия: 39-16-44. +7-747-701-50-55  
Электрон почта: janubiy@inbox.ru

Газета ҚР Маданият ва ахборот вазирлиги томонидан 2020 йил 21 апрелда рўйхатга олинди, КЗ34VPY00022503 гувоҳнома берилган.  
Навр кўрсаткичи – 65466.  
Адади – 10270 нуска.

Директор-Бош муҳаррир — Алишер Ғофуржон ўғли СОТВОЛДИЕВ.

Бош муҳаррир

ўринбосарлари:

Муроджон АБУБАКИРОВ.

Авазхон БҮРОҒБОВЕВ.

Масъул котиба –

Шаҳноза УСМОҒОВА.

Масъул шахслар:

Туркистон, Кентов — Шомирза МАДАЛИЕВ. 8(72533) 2-40-07.

Тўлебий — Баҳорой ДҲСМАТОВА. 8(72547) 6-07-16.

Қазигурт — Хуршид ҚҲҚОРОВ. +7-701-447-37-42.

Сайрам — Мухтабар УСМОҒОВА. +7-707-257-97-36.

Тулкибош — Мунира САЪДУЛЛАЕВА. +7-747-144-60-71.

Обуна, реклама ва эълонлар — Зокиржон МҲМИНЖОНОВ. +7-702-278-96-90

Қозғистон Республикасида тарқатилади.